

Berita Iban

Sempekat pemereti ati tu besai amat reti, ku Len

Kempit ke disain entara UNIMAS, Universiti Yamaguchi enggau Tokuyama ngemeratka pengawa pemansik

Dikarang Rengenyang Labang

KUCHING: Sempekat pemereti ati (MoU) ti di-sain Universiti Malaysia Sarawak (UNIMAS) enggau Universiti Yamaguchi Jepun sereta UNIMAS enggau Tokuyama Corporation Japan kemari dikena ngempitka kaul institusi pelajar tinggi enggau industri ba renggat antarabansa ba pengawa bejalaika pemansik ke ulih ngemujurka kempit ti engekeman.

Vice Chancellor UNIMAS Prof Datuk Dr Khairuddin Ab Hamid madah, pekara ti dibungkur dalam MoU tu nya nyengkaum betukarka nemiak ke benung belajar sereta benung graduate; betukar pengereja pengawa akademik enggau pengereja pengawa ke bukai; betukar penerang akademik sereta kereban chelak bukai.

"Kempit nya deka ngemuntangka pemereti ba pekara teknologi, pengidup sesebengkah raban bansa, peneka maya jemah ila ke ngelui penemu ba jaku enggau jalai pengidup.

"Nambahka nya dikena bejalaika projek pemansik kolboratif, kaul enggau



UDAH DIPENYADI: UNIMAS ti diarika Khairuddin (dua kiba) betukar MoU enggau Hiroshi (dua kanan), ti diperatika Len (belakang).

pengelandik; besaup dalam pengawa pansik sereta ngerembaika penerang, kelimpah ari ngatur seminar, aum besai enggau licha," ku iya.

Khairuddin mansutka pen-

erang dalm jaku pengelalu ba pengerami nyain MoU nya ba UNIMAS, Samarahan ditu, kemari.

Pengawa nyain MoU nya dikemataka Menteri Muda

ba Opis Kepala Menteri (Pengatur Pemansang Pelajar Teknikal) ti mega Menteri Muda Rampa Menua, Datuk Len Talif Salleh.

Ku Khairuddin, MoU ti

disain kemari nempa sejarah UNIMAS ti keterubah ngatur sempekat enggau dua bengkah universiti antarabansa sereta sebengkah industri besaup ngemansangka pengawa

“Kempit nya deka ngemuntangka pemereti ba pekara teknologi, pengidup sesebengkah raban bansa, peneka maya jemah ila ke ngelui penemu ba jaku enggau jalai pengidup.”

Prof Datuk Dr Khairuddin Ab Hamid
Vice Chancellor UNIMAS

pemansik enggau akademik.

"Aku berasai temegahka Fakulti of Engineering ketegal pemujur ti dijapai sida.

"Berindik ari pemereti entara ketiga-tiga piak, aku arp bendar semua atur ke udah diperambu ulih dipujur magang," ku iya.

Nitihku penerang ari Vice Presiden Universiti Yamaguchi, Prof Dr Hiroshi Matsuda madah, diatu nemiak ari Malaysia bisi nampung pelajar ba universiti nya.

Iya ngarapka nengah MoU nya sida ulih nambahka pemayuh nemiak Malaysia ba Universiti Yamaguchi.

"Ba taun 2011 bisi 40 iku nemiak ari Malaysia ti nampung pelajar ba kami (Universiti Yamaguchi).

"Narapka nengah MoU tu deka mayuh agi nemiak ari

UNIMAS belajar ba universiti kami ke tuju pemansang dua bengkah menua (Malaysia Jepun)," ku Hiroshi ti ngari ka universiti nya ba pengawa nyain MoU.

Kelimpah ari nya, Advisor Tokuyama Corporation Japan Seiichi Shiraga ngarika Tokuyama Corporation Japan nyain MoU enggau UNIMAS.

Nemiak ke udah graduate bulih pengunting ari MoU berindik Tokuyama ke melanja dua iku nemiak belajar ba Universiti Yamaguchi.

Tokuyama mega nyendiaka geran pemansik dikena nge-mansang pemanah pekara pelajar di Malaysia sereta merambuka pemanah pemutus ti diguna Tokuyama Sarawak Universiti.